



Arkiivaáššennr. 25/6401

Ášši	Gos	Goas
	Sámedikki dievasčoahkkinn	-

Saksframlegg

Ohcámuš luvvejuvvot sámediggeáirras doaimmas -Aina
Madelén Nordsletta Aslaksen (NSR)

Sámediggeáirras Aina Madelén Nordsletta Aslaksen (NSR) ohcá luvvejuvvot iežas doaimmas sámediggeáirrasiin. Son lea čilgen ohcámušas ahte lea ožžon virggi politihkalaš ráđdeaddin sámediggerádis.

Sámediggeáirasiid luvvenohcámušat galget Sámedikki čoahkkinnortnega vuodul meannuduvvot Sámedikki dievasčoahkkimis, vrd. Sámedikki čoahkkinnortnega § 5, nuppi oasi.

“Guhkit áigge virgelobi ja Sámedikki luohhtevašvuodadoaimmaid luvvema ohcámušat galget meannuduvvot dievasčoahkkimis dievasčoahkkinnjođihangotti mearrádusevttohusa vuodul.”

Árvvoštallan

Sámediggeáirras Aina Madelén Nordsletta Aslaksen (NSR) lea ohcán luvvejuvvot iežas sámediggeáirras geatnegasvuodain go lea ožžon virggi sámediggerádi politihkalaš ráđdeaddin. Sámediggeáirras doaibma lea luohhtámušdoaibma masa áirras lea geatnegahtton, ja luvvema ohcámušat dohkkehuvvojit beare jus leat nanu ákkat, vrd. Sámedikki čoahkkinnortnet § 5 goalmmat oassi.

Ollesáiggedoaibma politihkalaš ráđdeaddin sámediggerádis lea veadjetmeahtton doaimmahit seammás go lea sámediggeáirras. Sámedikkis lea parlamentáralaš vuogádat gos sámediggerádi láhtut eai doaimma sámediggeáirrasiin go válljejuvvot sámediggeráddái láhtton. Politihkalaš ráđdeaddit eai čuovo seamma vuogádaga, politihkalaš ráđdeaddit geain lea sámediggeáirrasdoaibma fertejit ohcan luvvema jus galget šaddat oassin sámediggerádi ráđdiaddijoavkkus, go sis ii leat de šat seamma dilli áimmahuššat daid geatnegasvuodaid mat čuvvot sámediggeáirrasdoaimmas.

Daid dieđuid vuodul maid áirras Nordsletta Aslaksen lea buktán, de leat sus dievasčoahkkinjodihangotti oainnu mielde nanu ákkat manin berre luvvejuvvot sámediggeáirrasdoaimmas nu guhkka go sus lea politihkalaš ráđdeaddidoaimma.

Dievasčoahkkinjodihangotti mearrádusevttohus

Sámediggeáirras Aina Madelén Nordsletta Aslaksen luvvejuvvo su doaimmas sámediggeáirrasiin 2.12.2025 rájes ja olles dan áigodahkii go lea politihkalaš ráđdeaddi doaimmas sámediggerádis.